

ЗОХИОМЖ ДЭЭД СУРГУУЛИЙН БАКАЛАВРЫН ХӨТӨЛБӨРТ

2017 ОНД УЛААНБААТАР ХОТООС ОЮУТАН ЭЛСҮҮЛЭХ

ШИНЭЧИЛСЭН ЖУРАМ

1. Ерөнхий зүйл

1.1. Зохиомж Дээд Сургуулийн бакалаврын хөтөлбөрт Улаанбаатар хотоос оюутан элсүүлэхэд БШУС-ын 2014 оны 04 сарын 01-ний өдрийн А/78 тоот тушаалын заалтыг үндэслэн 2017-2018 оны хичээлийн жилд “Оюутан элсүүлэх журам”-ыг баримтална.

1.2. Зохиомж Дээд Сургуульд элсэхээр бүртгүүлэгч, элсэгч болон элсэлтийн комиссын үйл ажиллагааг зохицуулахад энэ журмын зорилго оршино.

1.3. Зохиомж Дээд Сургуулийн бакалаврын хөтөлбөрт элсэхээр хүсэлт гаргасан иргэнийг “бүртгүүлэгч”, зохих болзол хангаж элсэлтийн хяналтын тоонд багтсан бүртгүүлэгчийг “элсэгч”, элсэлтийн цахим бүртгэлийн системийг “систем” гэнэ. Элсэлтийн үйл ажиллагааг нэгдсэн байдлаар зохион байгуулахаар томилогдсон комиссыг “элсэлтийн комисс”, элсэлтийн үйл ажиллагааг зохион байгуулахад оролцох ажилтныг “комиссын гишүүн” гэнэ.

1.4. Зохиомж Дээд Сургуулийн бакалаврын хөтөлбөрт нийслэл хот болон аймгуудаас элсүүлэх оюутны хяналтын тоог БШУЯ тогтооно.

1.5. Бүртгүүлэгч бүртгүүлэхээс өмнө энэ журамтай танилцах үүрэгтэй.

1.6. Энэхүү журам болон нэмэлт мэдээллийг өөрийн <http://zokhiomj.mn/> цахим хуудсанд байрлуулна.

1.7. Элсэлтийн комиссын хаяг, элсэлт авах хөтөлбөр, хуваарь сонгуулах өдөр, цаг, байр болон бусад мэдээллийг Боловсролын үнэлгээний төвөөс ЕШ-ын дүн, оноо, жагсаалтыг зарламагц Зохиомж Дээд Сургуулийн төв байранд <http://zokhiomj.mn/> цахим хуудсанд байрлуулна.

1.8. Бакалаврын зэрэгтэй иргэнийг зарим мэргэжлээр бакалаврын орой, эчнээ хөтөлбөрт элсүүлэн суралцуулах ба бүртгүүлэгчдээс элсэлтийн Ерөнхий шалгалт (ЕШ) өгсөн байхыг шаардахгүй. Элсэлтийг “Зохиомж Дээд Сургуулийн бакалаврын орой, эчнээ хөтөлбөрт 2017 онд оюутан элсүүлэх журам”-аар тусад нь зохион байгуулна.

<http://zokhiomj.mn/> цахим хуудасруу хандан журамтай танилцаж болно.

1.9. Бакалаврын зэрэгтэй иргэн өдрийн хөтөлбөрөөр суралцаж, бакалаврын боловсрол эзэмших хүсэлтэй бол ЕШ өгсөн байна.

1.10. Зохиомж Дээд Сургуульд элсэхийг хүссэн гадаадын харьяат иргэдийн асуудлыг Зохиомж Дээд Сургуульд “Гадаадын иргэнийг элсүүлэн суралцуулах журам”-аар зохицуулах бөгөөд ЕШ өгсөн байхыг шаардахгүй.

1.11. Энэхүү журмаар зохицуулагдахгүй асуудал гарвал Зохиомж Дээд Сургуулийн захирлын тушаалаар байгуулагдсан Элсэлтийн комисс шийдвэрлэнэ.

2. Бүртгүүлэгчдэд тавих шаардлага

2.1. Улаанбаатар хотоос оюутан элсүүлэх хуваарь дээр Ерөнхий боловсролын сургууль (ЕБС) төгссөн иргэн өрсөлдөх эрхтэй.

2.2. Бүртгүүлэгч элсэхийг хүссэн хөтөлбөр бүлэг хөтөлбөрт элсэхэд шаардлагатай хичээлээр 2016 эсвэл 2017 онд ЕШ өгсөн байна.

2.3. Бүртгүүлэгч ЕШ-ын оноог ахиулах зорилгоор 2017 онд ЕШ дахин өгсөн тохиолдолд илүү оноотой зөвхөн нэг батламжаар бүртгүүлнэ.

2.4. Бүртгүүлэгч Зохиомж Дээд Сургуульд бүртгүүлэхээс өмнө ЕШ-ын шалгуулагчийн буланд нэвтэрч өөрийн хувийн мэдээлэл болон дүнтэй танилцаж, хэрэв асуудал байвал шийдвэрлүүлсэн байх шаардлагатай.

2.5. Зарим хөтөлбөрийн онцлогоос хамаарч бүртгүүлэгч энэ журмын 4.4-д заасан ур чадварын нэмэлт шалгалт өгнө. Нэмэлт шалгалтын хуваарийг бүртгэх үед мэдэгдэнэ.

2.6. Бүртгүүлэгч ЕШ-д 50-аас доошгүй хувийн (400) хэмжээст оноо авч Зохиомж Дээд Сургуульд бүртгүүлэхэд тавигдах минимум шаардлагыг хангасан байх ёстой ба хөтөлбөр/бүлэг хөтөлбөрүүдийн хувьд бүртгэлийн босго оноо ялгаатай байна (Хавсралт).

2.7. Гадаад оронд ерөнхий боловсрол эзэмшсэн, Зохиомж Дээд Сургуульд элсэх хүсэлтэй Монгол улсын иргэн элсэлтийн ЕШ-ын журамд заасны дагуу ЕШ өгч, бусад бүртгүүлэгчийн адил бүртгүүлж, элсэнэ.

2.8. Бүртгэлтэй холбоотой төлбөр, тооцоог цахим хэлбэрээр хийнэ.

2.9. Бүртгүүлэгч нь элсэлттэй холбоотой мэдээллийг SMS-ээр хүлээн авах гар утасны дугаар, цахим шуудангийн хаягийг бүртгүүлнэ.

3. Элсэлтийн бүртгэл

3.1. Элсэлтийн бүртгэлийг зөвхөн цахим хэлбэрээр <http://burtgel.zokhiomj.mn> хаягаар явуулна.

3.2. Бүртгэл 2017 оны 7 дугаар сарын 1-ний өдрийн 9.00 цагт эхэлж, 7 дугаар сарын 8-ны өдрийн 16.00 цагт дуусна.

3.3. Бүртгүүлэгч системд ЕШ-ын бүртгэлийн дугаар, нууц үгээ оруулснаар элсэх хүсэлтээ гаргана.

3.4. Системд амжилттай нэвтэрсэн үед системээс бүртгүүлэгчийн хувийн болон ЕШ-ын мэдээллийг дэлгэцэнд харуулах ба асуудал гарвал Элсэлтийн комисс юмуу Боловсролын үнэлгээний төвд хандаж шийдвэрлүүлнэ.

3.5. Хувийн мэдээллийг баталгаажуулсны дараа шаардлага хангаж байгаа хөтөлбөр/бүлэг хөтөлбөрийн жагсаалтыг системээс харуулах бөгөөд сонирхсон хөтөлбөрийнхөө талаарх дэлгэрэнгүй мэдээллийг авах боломжтой.

3.6. Бүртгүүлэгч хэдэн ч хөтөлбөрт бүртгүүлж болно. Хөтөлбөр бүрийн бүртгэлийн хураамж 5000 төгрөг, ур чадварын шалгалтын хураамж 10000 төгрөг байна.

3.7. Бүртгүүлэгч бүртгүүлэхийг хүссэн хөтөлбөрийг сонгосон үед төлбөл зохих нийт төлбөрийн хэмжээ гарах бөгөөд уг мэдээлэлтэй танилцаад төлбөрийг цахим хэлбэрээр хийнэ.

4. Элсэгчийг шалгаруулах ба мэдэгдэх

4.1. 2016 оны улсын олимпиадад I-III байрт шалгарсан сурагчийг тухайн чиглэлээр БШУЯ-ны шийдвэрээр шууд элсүүлнэ.

4.2. Олон улсын олимпиадад шагналт байр эзэлсэн, байгалийн ухааны чиглэлээр улсын олимпиадад аймаг, хотоос шалгаран оролцож, Зохиомж Дээд Сургуульд бүртгүүлэхэд тавигдах минимум шаардлагыг (ЕШ-ын хэмжээст оноо: 400) хангасан ЕБС төгсөгчийг онооны дараалал харгалзахгүй тухайн чиглэлээр хяналтын тоонд багтаан элсүүлнэ. Ийм элсэгч энэ журмын 3.2-т заасан хугацаанд багтаан Элсэлтийн комисст хүсэлтээ гаргасан байх шаардлагатай.

4.3. Бүртгүүлэгчийн нийт оноог ЕШ өгсөн аль нэг хичээлд 400 түүнээс дээш оноо авсан тохиолдолд тухайн хөтөлбөрт тэнцсэнд тооцно.

4.4. Дараах хөтөлбөрүүдээр ур чадварын нэмэлт шалгалт авна. Үүнд:

о Жүжиг, найруулагч, зураглаачийн ур чадварын шалгалт

о Сэтгүүлч бичлэгийн уран чадварын шалгалт авна.

Нэмэлт шалгалтын оноог 70:30 харьцаагаар нэмж тооцно. Ур чадварын шалгалтыг 2017 оны 7 дугаар сарын 8-ний өдрийн 16.00 цагт авах ба (шалгалт авах байр, танхимыг бүртгэлийн үед мэдэгдэнэ) шалгалтын дүн бүхий онооны жагсаалт мөн өдрийн 20.00 цагт гарч, системд орсон байна.

4.5. Хэмжээст оноо тэнцсэн тохиолдолд гүйцэтгэлийн хувиар байр эзлүүлж хуваарь олгох ба гүйцэтгэлийн хувь тэнцвэл боловсролын гэрчилгээний дундаж оноог харгалзана.

4.6. Хяналтын тоонд багтсан эсэхийг бүртгэл хаагдсаны дараа тогтоосон хугацаанд системээр бүртгүүлэгчид мэдэгдэнэ.

5. Элсэх эрх олгох

5.1. Хуваарь сонголт бүртгэлийн өдрүүдэд үргэлжилнэ. Ажлын өдрийн 09:00-18:00 цагийн хооронд хяналтын тоонд багтсан бүртгүүлэгчдэд элсэх эрх олгоно.

5.2. Бүртгүүлэгч хуваарь сонгохдоо дараах материалыг бүрдүүлнэ. Үүнд:

I. Иргэний үнэмлэх эсвэл түүнтэй адилтгах баримт бичиг (төрсний гэрчилгээ, гадаад паспорт) хуулбарын (ар, өвөр тал нэг нүүрэнд) хамт

II. Бүрэн дунд боловсролын гэрчилгээ (хэрэв түүнээс дээш шатны боловсрол эзэмшсэн бол гэрчлэх баримт бичиг)

III. ЕШ-ын батламж, хуулбарын хамт

IV. Цээж зураг 2 хувь, оюутны үнэмлэхний шаардлагад нийцсэн цээж зураг файл хэлбэрээр (аль аль нь сүүлийн 3 сард авахуулсан байх) Эдгээр материалыг битүүмжлэл сайтай хавтсанд хийсэн байна.

5.3. Элсэх эрх олгох үед бүртгэлийн мэдээллийг эх бичиг баримтуудтай нь тулгаж баталгаажуулна.

6. Бусад

6.1. Элсэгч хуваарь буцаах тохиолдолд нэг багц цагийн үнэлгээний хэмжээний төлбөр төлнө.

6.2. Нэг хөтөлбөрөөс нөгөө хөтөлбөрт шилжүүлэн элсүүлэхгүй ба хуваарийг бусдад шилжүүлэхийг хориглоно.

6.3. Элсэх эрх авсан элсэгчийг 2017 оны 8 дугаар сарын 21-25-ны өдрүүдэд ажлын цагаар Сургалтын алба бүртгэнэ. Элсэгч энэ хугацаанд бүртгүүлж, суралцах гэрээ байгуулан, эхний улирлын хичээлээ сонгож сургалтын төлбөр төлсний дараа элссэн тушаалыг гаргана.

6.4. Элсэх эрх авсан боловч заасан хугацаанд ирж бүртгүүлээгүй хүнийг суралцахаас татгалзсан гэж үзэн суралцах эрхийн бичгийг хүчингүйд тооцно.

6.5. Хот, хөдөөгийн элсэлтийн дүн мэдээ гарч, элсэх эрхтэй элсэгчид бүртгүүлсний дараа оюутан элсүүлэх хяналтын тооноос хуваарь үлдвэл (үлдсэн хуваарийг <http://burtgel.zokhiomj.mn> хаягаар орж харна уу) нөхөж элсүүлэх элсэлтийн бүртгэлийг 2017 оны 8 дугаар сарын 24-25-ны өдөр цахим хэлбэрээр <http://burtgel.zokhiomj.mn> хаягаар явуулна. Бүртгүүлэгч энэ журмын 2.2-2.9-т заасан шаардлагыг хангасан байх ба бүртгүүлэхдээ журмын 3.3-3.7-д заасны дагуу бүртгүүлнэ. Нөхөн элсүүлэх элсэлтийн тухайд хот, хөдөөгийн иргэдийн аль аль нь өрсөлдөх эрхтэй.

Хуваарь сонголт 8 дугаар сарын 28-30-ний өдрүүдэд энэхүү журмын 5-д заасан цагт, ижил зарчмаар явагдана. Элсэх эрх авсан элсэгч 8 дугаар сарын 28-30-ны өдөр суралцах гэрээ байгуулан, эхний улирлын хичээлээ сонгож сургалтын төлбөр төлснөөр элссэн тушаалыг нь гаргана.

6.6. Элсэлттэй холбоотой бичиг баримтыг хуурамчаар үйлдсэн хүнийг Зохиомж Дээд Сургуульд элсүүлэхгүй, элссэн тохиолдолд хасна.

6.7. Элсэлтийг цахим хэлбэрээр явуулахад зориулсан цахим хуудас нь бүтэн жилийн турш тогтмол ажиллагаатай байж, элсэлтийн талаарх мэдээллээр бүртгүүлэгчдийг хангана.

6.8. Цахим бүртгэл явагдаж байх үед элсэлтийн комисс, Сургалтын алба хөтөлбөрүүдээ танилцуулах, зөвлөгөө өгөх үйл ажиллагааг утас, мессенжер болон цахим шуудангаар зохион байгуулна.